



Kattusseqatigiit Partiiat

Tlf. 299 34 61 11 / 34 62 52 - fax 299 32 62 35
Postboks 74, 3952 Ilulissat - tlf./ fax 299 94 47 53

Anthon Frederiksen

Ulloq 21. november 2008

Inatsisartut suleriaasianni § 36 imm. 1 naapertorlugu apeqquteqaat imaattoq Naalakkersuisunut ingerlateqqippara:

Naalakkersuisunut apeqqut:

1. Ilinniartut ilinniarnerninnut atatillugu atortorissaarutininik, soorlu qarasaasianik, atuakkanik il.il. pilersorneqarnerat Naalakkersuisunit qanoq malinnaaffigineqarpat ?
2. Ilinniartoqarfii assigiinngitsut qarasaasiaqartinneqarnerannut allanillu atortulersuutaasinnaasunik ilinniartoqarfinni nutarterisarnernit qanoq Naalakkersuisunit malinnaaffigineqartigippat ?
3. Ilinniartoqarfinni qarasaasinik nutarterinerit qanoq akuttutigisumik taarsersorneqartarpat ? imaluunniit ilinniarfinni atortulersuutit taarsersorneqartarneri pillugit Naalakkersuisut najoqqutassaqaartitsippaat ?
4. Naalakkersuisut ilinniartoqarfinni assigiinngitsuni qarasaasianik taarsersuinissamik/nutarterinissamik pilersaaruteqarpat ?

Tunnngavilersuut:

Qanittukkut tusagassiuutitigut nalunaarutigineqarpoq; Aasianni Ilinniarnertuunngorniarmifimmi qarasaasiat pisoqaangaaramik atorineqarsinnaanerat killilerujussuanngorsimasut. Tamatta nalunngilarput, qarasaasiatigut ineriartorneq sukkaoorujussuarmik siuariartortoq, taamaammallut teknik-kip taassuma aamma qanimut malinnaaffigineqarnissaat assut pisariaqartoq Kattusseqatigiit Partiiiani isumaqarpugut, minnerunngitsumik ilinniartut aamma atortulersuutitigut taamaattutigut malinnaalluarnissaat qulakkeerniarlugu – paasissutissanillu pilertornerusumik avataaniit aallertarnerat pisariillisaaffiginiarlugu.

Nalunngilarput Inatsisartut 2006-imiit ilinniartitaanerup qaffassarneqarnissaanut aningaasaliissutit 400 mio. kr-inik qaffannikkuunga, taamaattumik ilinniartut aamma qarasaasiatigut atuinerat pitsanngorsartariaqartoq isumaqarpungut.

Taamaammatt Kattusseqatigiit Partiianiit apeqqutit piaartumik aamma pisortat ingerlatsinerat pillugu inatsit naapertorlugu akineqarnissarput piumasaraarput.